

溫江縣志卷十四

風俗

邑分一二三甲一甲耕讀相半二甲產厚多賴誦讀較多文采衣冠駸駸有盛時之風三甲人稠地狹首重農務風尤近古

舊志

士習

文物恢宏爭尚氣節

民情

禮讓相接有三代風

溫江縣志

卷十四

風俗

一

農事

邑皆稻田秋穀收後旋種麻菜麥蠶豆等謂之小春穀謂之大春農力勤惰相半

女紅

刺繡飼蠶紡績剝麻編草帽

工役

百工皆有

商賈

無異他處至麻赴市則衆商攜重資至寓邑行店

買販各處

衣服

多尙華美搢紳之家尤競整飭

飲食

粗糲爲常間設珍品

嗜好

士樂詩書農安畝畝

婚禮

古禮繁重難行邑俗憑媒關說某第幾女爲某第

溫江縣志

卷十四

風俗

二

幾子配議定女家用紅色單柬書女年庚付媒氏  
男家接柬亦將己子年庚開明浼星士查命生尅  
以憑可否謂之合八字合則用描金紅全柬排書  
男女年庚謂之換庚帖亦有緞疋花飾偕媒送至  
女家謂之插花婚期既定男家預帖遞期謂之報  
期及奠雁多不親迎女至男家隔宿卽拜姑舅無  
俟三日廟見卽理婦職二三日內女家迎接新壻  
夫婦至家宴會謂之回門就近各邑皆同

喪禮

有喪之家除棺衾費用外惟豬酒孝布弔奠者不論有無服制重其人卽與孝布數尺否則議其吝甚有富家開弔凡臨弔者概行給帛謂之散普孝前夕開弔展奠及正期之夕六親畢集徹夜聚守謂之坐大夜亦有於亡者五七百期及安厝之日至誠齋戒延僧道諷經施戒焚籠以薦先亡謂之做道場

祭禮

隨時隨分無成規

溫江縣志

卷十四

風俗

三

音樂

和雅淫哇各隨性好

歌謠

因時變更可爲勸懲

祈禱

疾病則拜斗禳星叩神許願

節序

正月

元旦子分設香燭拜天地祖先詰朝拜父母兄長

訖然後出門拜師長親友謂之拜年此往彼來酒飯畢具半月皆然尊長與小兒錢謂之新年錢三日家備酒果錢楮至先塋掛燒畢老稚聚飲日夕還家謂之上新年墳

五日謂之破五自除夕至初四日所焚楮灰於是日甫行掃除

九日爲玉皇大帝誕期子分設香楮拜祝謂之上九

十五爲上元節一名元宵節街巷於上九日俱紮彩棚懸掛各色花燈徹夜輝煌子弟巧扮女粧攜燈唱採茶歌或童稚作傀儡扮各色故事不可枚舉至十六日夜止街市放花礮鳴鑼鼓士民遊戲雜遼歡飲不絕謂之鬧元宵

二月  
三日爲文昌帝君聖誕或具豬羊雞酒香楮致祭以帝君權衡祿嗣故祈男決科者多致敬焉

三月  
清明前三日邑令用牒文赴廟行香請城隍像詣

北壇賞孤備豬羊各一香燭錢楮戒牒齋供令僧道嘑經致祭無祀孤魂邑令親臨行香禮畢仍送城隍迴廟土庶亦具香燭冥資穀饌於先人墓前祭奠謂之拜埽

三日土地誕辰各備牲體獻奠

四月

八日爲浴佛佳辰禁屠宰

五月

五日爲端午節門懸艾虎蒲劍食角黍飲雄黃酒

溫江縣志

卷十四

節序

五

竝以雄黃塗小兒耳鼻謂能辟毒

十三日俗傳關帝單刀赴會之期民間演戲慶賀

六月

六日晒書籍等物以免蠹蛀是日爲秧苗土地生辰各備香楮牲體致祭祈穀

七月

七日爲家宅土地生辰家屠雄雞致祭是夕名七夕婦女各設瓜果蛛盒乞巧於天孫晨起視盒中

蛛絲之稀密驗得巧多寡

十三四兩日各備羹飯包楮錢名楮祆作祆一祭祖

先謂之燒祆子

十五日為中元節應祭北壇無祀孤魂其祭祀儀

品與清明同

竄以此之為節該地浮故官屠前赦氏二罪設日日孟預民蘭祭有會祖七以先月薦半亡鬼道亂家

八月

十五日為中秋節邑人皆以月餅相饋遺夜分洗盤盛餅祭月開宴賞玩並有徹夜不眠者謂之看

月華

溫江縣志

卷十四

節序

六

九月

九日為重陽節邑無高山大阜可供登眺豪興者第攜酒平原快飲而已節前後十日比戶造酒呼為重陽酒備來年之用前九日又有茹素者謂之齋九皇

十月

一日邑令請城隍像詣北壇賞孤禮與清明同邑人各製緋衣冠履衾褥致祭祖先謂之送寒衣又於是日作資團以報土功

十一月

冬至日日南至景漸長故曰長至節民間於是日屠豬

十二月

八日爲地臘辰邑人以肉豆棗栗等物入米熬粥謂之臘八粥祀神及先亦古臘祭之意

二十四日舊傳竈神上天奏事先於二十三日夜各具香花酒果燈燭錫糖錢楮致祭自大寒至歲暮謂之亂歲凡掃宇啓土悉無禁忌

溫江縣志

卷十四

節序

七

除夕前數日以茶果牲體相饋遺謂之送年節治酌招飲卑幼迎尊長曰喫年飯尊長喚卑幼曰分年飯是夜邑士庶備羹饌酒飯祭先謂之接亡卑幼拜尊長及師友謂之辭歲乃掛桃符粘貼門對爆竹終夜不絕取辟除不祥之義合家聚飲惠及奴僕以肉食分給猫犬暨果卉之屬老少徹夜不寐謂之守歲尊長以錢賜卑幼謂之壓歲錢兒童

爭響空鐘

空鐘俗謂之響簧